



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Et Brevis Declaratio Viæ Spiritvalis

Palma, Luis de la

Antverpiae, 1637

Sextvs Dies.

[urn:nbn:de:hbz:466:1-50934](#)

pâ , aut cum diuinæ Maiestatis offensâ fiat. Secunda, ne ego iustam iis iniuriis dem occasionem. Quod etiam dicitur in Examine cap. 4. §. 44. vnde , sicut dictum est , hauritur eadem illa huius Exercitij doctrina.

SEX T V S D I E S .

*De reliquis Exercitiis secundæ
Septimanæ.*

Mirabilis est modus quem S. Pater noster seruat , vt nos quasi manus ducat in hac secundâ Septimanâ ad summum perfectionis ; de quo , vt aliquid de eo intelligamus ,

NOTEMVS PRIMO , Quòd eius intentione sit , vt exercitans disponat se ad sequendū Christum Dominum nostrum tamquam verum suum & legitimum Regem , à quo ad bellum illud cum hostibus suis ineundum amicè inuitatur. Deinde , vt firmiter proponat eum sequi in maximis periculis & laboribus ; verbi

verbi gratiâ , in contemptu diuitiarum & amoris proprij , in contemptu honoris, & amore iniuriarum & infamiæ , & tandem in vera cordis humilitate. Ut sic in animo suo diuitias contemnat , ametque paupertatem , vt etiam paratus sit reipsâ easdem diuitias relinquere , & paupertatem amplecti , si intelligat , hoc ipsum futurum ad maius Dei obsequium , & maiorem Dei Domini nostri gloriam. Ut , si laus & gloria diuinæ Maiestatis par foret , ad maiorem tamen Christi Domini nostri imitationem eligat potius paupertatem & infamiam , & reputari pro stulto , quæ Christus Dominus noster amauit atque amplexus est ; non autem hisce contraria , quæ mundus tantopere amat & amplectitur. Et hic gradus electionis , præterquam quod ex se valde sublimis sit & pretiosus in vitâ spirituali (vt sanctus Pater noster bene notat in cap. 4. Examin.) est prætereà valde efficax ad animam excitandam , vt sanam electionem in quo-

quocumque negotio, quantumuis graui & diffici, absque ullo inordinatae alicuius passionis periculo faciat.

NOTEMVS SECVNDO, Quod etiamsi Puncta illa perfectionis proponantur exercitanti se in omnibus istis Meditationibus, ut sciat quā viā ambulare, quō eniti, & quid prætendere debeat; non tamen vis nobis statim inferenda est in omnibus istis propositis, sed paulatim, ordinatè & gradatim. Nam in Exercitio de Regno Christi collimatur præcipue in resolutionem & propositum sequendi Dominum suos ad bellum vocantem: in Exercitio de duobus vexillis prætenditur declaratio magis particularis, in quibus nempe rebus illud bellum consistat; & ut propositum illud generale Christum sequendi magis confirmetur, & lumen maius acquiratur, quō signa illa sui Ducis & hostis melius cognoscat, magis se in amore paupertatis, ignominiæ & humilitatis, ut dictum est, exercendo. Quia tamen iste diuitiarum contemptus non est,

est, nec esse potest verus & perfectus, nisi persona etiam decernat, eas re ipsâ, quando id necessarium foret, & Deus ad hoc eam vocaret, deserere. Et multi verè in eo decipiuntur, sibi persuadentes quòd paupertatem ament, quando nihil eis deest; & honoris contemptu delecentur, euīque ament, quando actu honorantur, magnique ab omnibus fiunt; & cùm occasionses iam istius paupertatis & humiliationis actu subeundæ fese offerunt, retrahunt pedem, nolentes honores & diuitias quas possident deserere. Ut huic difficultati occurrat sanctus Pater noster, addit tertium aliud Exercitium, quod vocant de Tribus hominum classibus: in quo vrget illud solum Punctum; quòd is qui inordinatum hunc diuitiarum amorem ex animo suo eradicare intendit, debeat etiam esse dispositus ad eas re ipsâ deserendas, quando illud sciret ad maiorem Dei gloriam futurum. Et tandem in ultimo Exercitio, quod est de tribus

gra-

gradibus hūmilitatis ; colligit omnia illa proposita & resolutiones , easque ad maiorem perfectionem reducere conatur , dicens , quod non tantum quando maior Dei esset gloria , sed etiamsi par ea foret , & æquale obsequium , potius tamen paupertatem & humiliationem actualem optare deberet , non ex alio capite , quam ut sic magis accedat ad similitudinem Christi Domini nostri .

Praxim horum duorum subiungemus hīc breuiter .

*De tribus hominum classibus
sive differentijs , ut potissimum
partem amplectamur .*

ORATIO PRAEPARATORIA , ut
semper antehac .

PR A E L V D I V M P R I M V M
fiat , propositis vice historiæ tribus
homi-

hominum classibus distinctis, quarum
unaquaque decem millia ducatorum
alio quam diuini cultus & amoris
studio sibi parauerit; nunc autem pla-
catum habere Deum, & salua fieri
exoptet, sublato vtcumque noxio
affectu rerum, utpote salutis impe-
dimento.

SECUNDVM est, imaginaria con-
structio loci cuiusdam in quo videam
meipsum coram Deo Sanctisque om-
nibus adstantem atque perseverantem,
cum desiderio intelligendi, quoniam pa-
eto ipso Deo placere queam potissimum.

TERTIVM est, optatæ rei petitio,
nimirum gratiæ, per quam id eligam
quod & Deo acceptissimum & mihi
saluberrimum futurum sit.

Prima igitur classis optat quidem
acquisitæ rei exuere affectum, vt con-
ciliari Deo possit; sed media debitaque

M ad-

178 PRAXIS ET DECLARATIO
adminicula toto vitæ tempore non ad-
mouet.

Secunda itidem affectum malè or-
dinatum auferre cupit, sed rem interim
mordicus tenere, ac Deum potius tra-
bere ad votum proprium, quam, reli-
cto impedimento, per conducibiliorem
statum ad illum tendere.

Tertia postremò, affectum insin-
cerum volens abiicere, rem ipsam vel
tollere vel tenere æquè parata est, pro-
ut ad diuinum cultum commodius fo-
re, vel ex diuino instinctu vel ex ra-
tionis dictamine animaduerterit: ac
interim omnia relinquens integra, il-
lud tantùm versat, & inquirit, nec
aliam admittit relinquendæ aut reti-
nendæ rei acquisitæ causam, præter
rationem ac desiderium diuinæ glorie,
ut quam maxima sit.

Colloquia tria subsequentur, ut
nuper

nuper facta sunt in Meditatione de
duabus vexillis.

Notandum ad hæc, quod ubi affe-
ctum sentimus paupertati perfectæ,
quæ tum in spiritum in rerum ab-
dicatione consistit, aduersantem, &
ad diuitias magis inclinantem, multum
confert ad eum elidendum, petere à
Deo, licet renitente carne, ut ad pau-
pertatem eiusmodi sectandā nos eligat;
seruabimus tamen interea desiderij no-
stri libertatem, quā liceat conuenien-
tiorem diuino seruitio viam inire.

Declaratio huius Exercitij.

Finis huius Meditationis (ut dixi-
mus) est insistere, & vim facere in
eo, quod non possit esse perfecta pau-
pertas spiritualis in eo, qui, quantum in-
se est, non etiam est dispositus ad actual-
lem: nec verum sit, quod is omnem
à se diuitarum amorem reiecerit, qui

M 2 non

non etiam paratus est eas actu defere
re , vbi id maior Dei gloria maiorque
spiritus profectus requireret. Et quam-
uis adhuc nihil debeat concludere cir-
ca diuitiarum retentionem vel abdi-
cationem (illa enim resolutio differ-
tur in tempus electionis ;) interim ta-
men cogitet se omnia re ipsâ reliquisse,
vim faciendo in eo quod nec illa nec
quiduis aliud desideret, si non sit futu-
rum ad Dei Domini nostri gloriam:
ita ut desiderium Deo melius perfe-
ctiusque seruiendi , illum solum mo-
ueat ad aliquid acceptandum vel re-
spuendum.

Forma huius Meditationis valde si-
milis est parabolæ, quam Christus Sal-
uator noster proposuit de seminato-
re ; notando quatuor classes , aut ho-
minum genera , qui idem verbum Dei
audiunt, diuersis tamen effectibus.

Prima est eorum qui verbum Dei
audiunt, sed statim se auertunt, & obli-
uiscuntur.

Secunda eorum qui cum gaudio
audiunt,

audiunt, sed in tempore temptationis re-
cedunt, & idem deserunt.

Tertia eorum qui audiunt, & illud
cum gaudio suscipiunt, sed diuitiarum
rerumque temporalium concupiscen-
tia illud suffocat, atque ita fructum
non referunt.

Quarta eorum qui audiunt, & illud
conseruant, & velut terra pinguis be-
neque culta vberem fructum adferunt
in patientiâ. Certum est quòd Saluator
eas quatuor hominum classes propo-
suerit, vt, animaduerso earum discri-
mine, singuli conarentur esse de classe
meliorum, ac sese disponere ad refe-
rendum fructum quem postremi refe-
runt: eo modo in hoc Exercitiō nobis
proponuntur tres classes, siue tria ge-
nera hominum, qui omnes temporalia
bona possident, & omnes à se eorum
affectionem & amorem remouere volunt;
& diuersa ad hoc omnes proponunt
media, vt, considerantes eam quæ in-
ter illos est differentiam, optimum eli-
gamus.

In PRIMO PRAELVDIO historiæ notandum , quòd quando supponitur, quòd isti homines decem millia ducatorum acquisiuerint non debitè , non velit dicere , quòd ea iniustè & contra conscientiam acquisiuerint ; quia tali casu res nullam haberet difficultatem: quia non tantùm obligarentur ad remouendum à se omnem eorum affectum inordinatum , verùm etiam ipsa decem millia malè & iniustè acquisita actu & re ipsâ restituere deberent: sed loquitur conuenienter intentioni præsenti istorum hominum qui eam pecuniam acquisiuerunt, non tam moti amore Dei quàm earum pecuniarum amore , & maximè propter respectus humanos , non verò diuinos aut spirituales.

De illis hominibus dicit , quòd melius sibi consulentes agant de suâ salute , & quærendo inueniendoque Dominu nostro , cum maiori pace & sui spiritus satisfactione: & vt hoc consequantur, omni modo pondus & impedimentum

dimentum , quod affectus ille diuitiarum secum trahit , à se remouere conantur. Huc usque peruenit historia : in quâ paucis verbis describitur dispositio, quam is qui exercetur habet; quæ est , primò, Decretum saluandi se ; secundò, Desiderium inueniendi Deum cum pace & satisfactione ; tertio , Desiderium extirpandi omnem affectum inordinatum ad diuitias. Et sistendo in illo Puncto etiam requiritur , vt se determinet ad deserenda ea etiam cum effectu , si id futurum sit ad maius Dei obsequium , & animæ ipsius maiorem profectum.

In SECUNDO & TERTIO PRÆLVDIO
nihil est particulare quod notetur.

Meditatio continet tria Puncta, quæ sunt , considerare statum & dispositiōnem hominum secundūm tres istas classes , vt meliorem eligamus.

Prima classis est eorum qui volunt , & numquam velle desinunt ; ex aliâ tamen parte propter diuitiarum amorem eas deserere nolunt , quamquam ab ea-

M 4 rum

rum amore se vellent expedire. Et ex
hac luctâ & affectuum contradictione
nascitur dilatio mediorum, quæ tepi-
dorum solet esse tentatio: qui omnia
sua de die in diem differunt, donec tan-
dem omnia mors abrumpat.

Secunda classis est eorum qui om-
nem affectum & amorem inordina-
tum diuitiarum exuere volunt, sed cum
proposito eas re ipsâ non deserendi;
qui tamen in eo decreto perseveran-
tes, dispositi & parati sunt quævis me-
dia arripere ad corrigendam affectus
istius inordinationem: illi sunt de qui-
bus dicit sanctus Pater noster in Præ-
ludio in ordine ad electionem, quòd
priùs concludant quoad media quàm
quoad finem; cùm tamen contrarium
fieri debeat: nam, secundùm rectam
rationem, prius semper est, intendere
finem, & postmodum, eligere media.
Atque ita, bono ordine procedendo,
primum est, decernere seruire Deo, &
quærere suam salutem; secundum, vi-
dere, num ad illum finem expediat
reti-

retinere an deferere diuitias: verùm isti faciunt contrarium ; quia primò constituunt retinere diuitias, postmodum verò tractant de seruiendo Deo illis tentis , Deum sic in suam sententiam pertrahere conantes,& ad eum viâ quâ ipse eos dicit sequendum , se non determinantes.

Tertia classis est eorum qui omnem diuitarum affectum à se remouere volunt, & hoc illo modo, vt ne affectum quidem habeant ad diuitias acquisitas retinendas, vel non retinendas , sed solum eatenus volunt, quatenus illis Deus inspirauerit , & ipsi magis diuino seruitio , & ad Dei Domini nostri laudem & gloriam conueniens fore iudicauerint : hoc solum contendentes , ne se ad vnam aut alteram partem , nisi solo diuinæ Maiestatis seruitio ad hoc moueantur , determinent , ita vt solum desiderium melius Deo Domino nostro seruendi eos moueat ad ea vel retinenda vel deferenda. Et cùm ea sit optima dispositio, vt à nobis om-

M 5 nem

nem inordinatum affectum remoueamus, euidens est, quod eam modis omnibus procurare debeamus, & primorum illorum & secundorum sufficere nobis non beat dispositio.

Colloquia eadem erunt quæ in Exercitio de duobus vexillis. Vnum solum notandum ; quod si in me aliquam vel circa paupertatem , vel circa diuitias animaduerterem repugnantiam , multum iuuabit ad illam superandam , si in colloquiis à Deo Domino nostro petam , vt me vocet , & eligam contrarium eius quod mihi maximè in votis est . Exempli causâ ; si à Domino peterem (carne licet contradicente) me ad actualem paupertatem vocare dignaretur , quia hoc opto, peto & supplico, vt det quod ad obsequium & gloriam diuinæ bonitatis futurum sit : nam ubi voluntatem meam & orationem flexero ad id quod meæ sensualitati contrarium est, ad indifferentiam quæ quæritur facile perueniam. Eodem quis Exercitio uti poterit

poterit in materiâ honoris, deliciarum, & similibus. Verbi gratiâ , quoad affectum honoris possunt proponi tres hominum classes, qui inordinatum illum affectum à se remouere, cordisque humilitatem impetrare volunt.

Prima , quæ humilitatem quidem desiderat , sed omnia quæ ad eam obtainendam possunt iuuare media reijcit, differtque usque ad horam mortis.

Secunda , quæ eamdem optat per quæcumque media , verùm aliqua excipit ; qualia sunt , nolle talem vel tallem iniuriam, vel à tali personâ; vel nolle talem contemptum , non consentire tali humiliationi ; vel non admittere tale officium , &c. & in aliis ad quævis se paratum offert.

Tertia , quæ se , quantum in se est, disponit ad ferendas qualescumque iniurias , parata à se remouere quosuis honores , & quosuis humiliationes admittere , prout viderit fore ad maiorem Dei gloriam & animæ suæ profectum.

Vt

Vt autem vim huius Exercitij melius quis intelligat, multum iuuabit, illud collocare in materiâ sanitatis corporalis; vnde clarius constabit quod dicimus.

Adducamus in medium tres infirmos, omnes in eodem periculo constitutos, & omnes idem salutis adipisciendæ desiderium habentes.

Primus à nullâ re noxiâ vult abstinere, nec ullam rem suæ sanitati profuturam admittere, nullam medicinam sumere, abruptus à præsenti gustu, curationem in aliud tempus differendo.

Secundus agit de sui curatione, sed Medicum vult habere pro suo libitu, petendo pharmaca pro suo gusto, medicinas quasdam admittendo, alias reiiciendo.

Tertius totum se tradit in manus Medici, vt de se disponat, nullo habito sui affectus aut voluntatis respectu, prout videbit conuenire optatæ suæ saluti. Certum est, quod ex tribus il-

lis

lis infirmis primus in summo periculo moriendi versetur ; secundus , vt minimum , non recuperandi sanitatem ; tertius solus supereft qui spem habet curationis . Porrò si spes illa sanitatis corporalis , quæ non est omnino certa , hominem prudentem eò adducat , vt se Medico committat , seque ad quæuis subeunda remedia , quantumuis dura , offerat ; quantò magis debet homo se totum diuinæ committere voluntati , vt certam spem æternæ suæ salutis nanciscatur ?

De tribus gradibus Humilitatis.

Textus Exercitiorum S. Patris nostri sic habet :

A Ntequam electionum materiam aggrediamur , vt ad capessendam germanam Christi doctrinam affectum nostrum disponamus , apprimè iuuat consi-

considerare, ac per diem totum reuelare idemtidem tres sequentes modos Humilitatis, nec non colloquia dicenda crebro agitare.

Primus Humilitatis modus hic est ad salutem necessarius, ut me penitus subdam diuinæ legi obseruandæ, utque ne mundi quidem totius oblato mihi dominio, vel extremo vitæ discrimine obiecto, transgrediar ex deliberato mandatum ullum diuinum aut huma-
num; quod quidem peccati mortalis vinculo nos obliget.

Secundus maioris est perfectionis, ut fixo animo ad diuitias, paupertatem, honorem, ignominiam, breuitatem vitæ ac longitudinem, æquè sim propensus, ubi æqualis est diuinæ laudis & salutis meæ occasio: utque nullâ vel humanæ quantæcumque felicitatis vel propriæ mortis conditione proposita

tā adducar cūmquam , cūt culpam,
licet venialem tantūm , decernam ad-
mittere.

Tertius est modus Humilitatis ab-
solutissimæ , cūt priores iam duos ade-
ptus , etiam si nullo superaddito laus
Dei par foret ; ad maiorem tamen imi-
tationem Christi , eligam potius cum
eo paupere , spredo & illuso , pauper-
tatem , contemptum & insipientiæ ti-
tulum amplecti , quām opes , honores ,
& sapientiæ aestimationem . Porrò ad
gradum hunc Humilitatis attingen-
dum , magnum adferet compendium ,
triplicis colloquij præcedentis de vexil-
lis cūsus , per quod suppliciter po-
scamus (si diuinæ placeat benigni-
tati) ad talem perduci electionem , si-
ue maior siue æqualis obsequij mei er-
ga Deum & gloriæ diuinæ prouentus
subsit .

De-

Declaratio huius Exercitij.

Finis huius Meditationis est, in sum-
mam redigere fructum omnium
Considerationum præteritarū, & con-
firmare in se omnia proposita & con-
clusiones quæ huc usque factæ sunt: &
hoc non sit per modum particularis ali-
cuius Meditationis, sed considerando
tres illos Humilitatis gradus subinde, &
per vices, toto diei decursu; in hunc fi-
nem dirigendo tria colloquia, de qui-
bus in Exercitio proximo actum est.

PRIMVS GRADVS Humilitatis tan-
tam subiectionem, quā quis se manda-
tis Dei, Ecclesiæ, & Superiorum subii-
cit, & tantum bonorum temporalium
contemptum continet, ut nec omnium
bonorum prosperitatumq; huius mun-
di spes, nec omnium aduersitatum ti-
mor me ad aliquod peccatum mortale
inducere possit. Hoc propositum est
proprium incipientium, & fructus pri-
mæ Septimanæ.

SE-

SECUNDVS GRADVS tantum bondum temporalium contemptum continet, vt, quantum in me est, ita me dispositum inueniam, vt, positâ æquali Dei gloriæ & meæ salutis occasione, non sentiam maiorem affectum ad diuitias quam ad paupertatem, ad honorem quam ad ignominiam, ad longam quam ad breuem vitam: & hoc proprium proficientium est, fructusque ex Exercitiis secundæ Septimanæ collectus. Tantam præterea gradus hic habet subiectionem circa mandata Dei, vt pro nullâ re mundi, propositâ etiam morte, peccatum veniale deliberate velim committere: & hic valde sublimis & solidus nostri profectus gradus est, qui dicitur conformitas cum Dei voluntate, non tantum quoad grauiora Dei præcepta, quæ ad grauem culpam, sed etiam quoad minora, quæ non nisi ad leue & veniale peccatum obligant.

TERTIVS Humilitatis GRADVS est perfectissimus; quia primum & secun-

N dum

dum includit, & illis aliquid superad-
dit: dein non tantum supponit indif-
ferentiam ad paupertatem & ignomi-
niam, & ad reliqua quæ mundus con-
temnit & odit, sed & inclinationem
ad illa; & non tantum requirit subie-
ctionem quoad mandata Dei tam ma-
iora quam minora, sed etiam quoad
sensum & beneplacitum diuinæ volun-
tatis, desiderando illud iter inire, quod
ipse nobis suo exemplo ostendere di-
gnatus est, ut ego me IESV CHRISTO
Domino nostro magis conformem-
viuamque me eius imaginem efficiam.
Et hic finis est Exercitiorum superio-
rum. Ita ut licet possem admittere ho-
norem & diuitias absque peccato, et
iam veniali; imò non solum sine pec-
cato, sed etiam eo casu, quo iis admit-
tendis aut reiiciendis maior Dei gloria
aut maior animæ meæ utilitas se non
proderet: nihilominus, quò me ma-
gis conformem, similemque Christo
Domino efficiam, cupiam & eligam
magis paupertatem cum Christo, quam
diui-

diuitias; & optem magis iniurias & opprobria cum Christo iis saturato, quām mundi huius vanos honores; magisque desiderem contemni , & pro I E S V C H R I S T I amore , qui albā indutus veste irrisus fuit , stultus haberī , quām in oculis mundi sapiens & prudens videri.

Et hīc notandum , quōd licet hisce tribus gradibus tota vitæ Christianæ perfectio comprehendatur ; illos tamē potius nominauit sanctus Pater noster gradus Humilitatis quām alterius virtutis. Primō, quia subiectionem quoad omnia Dei præcepta requirunt. Secundō , quia diuinarum omnium & honorum mundi contemptum , & vires bonamque dispositionem ad quamuis infamiam & vilipensionem subeundam , exigunt. In primo consistit perfectio ; & in secundo tolluntur omnia perfectionis impedimenta : ita , vt nec vnum nec alterum sine magnâ humilitate fieri possit. Multūm verò iuuabunt colloquia supradicta ad Exerci-

N 2 tium

tium istorum graduum , petendo à
Domino nostro , vt tertiam illam sub-
limiorem humilitatem , quò melius il-
lum imitari eiique seruire possimus , si
hoc ad maiorem seu æqualem ipsius
diuinæ Maiestatis gloriam fuerit , nobis
donare dignetur.

De modis electionis.

Textus Exercitorum S. Patris
nostrí sic habet :

*Modus prior sanae boneq; elec-
tionis facienda, sex constans
Punctis.*

PVNCTVM PRIMVM erit,
Proferre in medium rem delibe-
randam , vt de officio vel beneficio , ac-
ceptandum ne an potius reijciendum sit:
¶ ita de ceteris rebus quæ ad muta-
bilem electionem spectant.

SE-

SECUNDVM est, Adducto ante oculos creationis meæ fine, in hoc consistente, ut cum Dei laude saluus fiam, in neutram declinare partem amplectendæ vel repudiandæ rei controuersæ; quin potius velut in medio quodam interstitio & æquilibrio subsistere, parato interim animo, ut in eam illicò partem totus ferar, quam nouero diuinæ gloriæ & saluti meæ fore aptiorem.

TERTIVM, Obscurare Dei clementiam, ut dignetur mentem instruere, & impellere voluntatem quo cumque potius mihi tendendum sit, adhibito nihilo seciùs pio fideliique intellectus mei ratiocinio, per quod, apprehensâ & probatâ Dei voluntate, ad electionem ferar.

QUARTVM, Perpendere, quot tandem commoda vel adminicula mihi

N 3 ad

198 PRAXIS ET DECLARATIO

ad finem meum prosequendum acce-
dent ex tali officio vel beneficio sus-
cepto ; quot rursum ex eodem incom-
moda & pericula impendent : præter-
ea , quot per oppositum , omisso illo,
tam commoda & adminicula quam
discrimina & damna possim exspe-
ctare.

QVINTVM , His præmissis ra-
tiocinari in utramque partem , & iux-
ta ipsius rationis dictamen , seposito
carnis appetitu omni , electionem con-
cludere.

SEXTVM , Electione factâ , ad
orandum citò profilire , & illam offer-
re Deo , perfectè demum , si ei placeat ,
recipiendam & stabiendam .

Modus

*Modus posterior benè eligendi,
in Regulas quatuor & Anno-
tationem unam distributus.*

REGULA PRIMA, *Quod cum oporteat per affectum ex Dei amore cælitus infusum fieri electionem, eligentem conuenit persentiscere in seipso, quod quidquid affectio- nis (siue multum siue modicum sit) erga rem electam tenet, ex solius Dei amore & intuitu proficiscatur.*

SECUNDA est, Considerare, si quis mihi vir amicissimus, cui nihil non perfectionis inesse cupiam, occurret dubius super electione huiusmodi, quidnam ego illi decernendum maxi- mè essem consulturus: quo animad- uerso, agendum & mihi ducam, ut suaderem alteri.

N 4 T E R-

TERTIA, Mecum insuper reputare, si mors ingrueret, quem me mallem obseruasse modum in præsenti deliberatione : iuxta hunc igitur elendum nunc esse, facile intelligam.

QUARTA, Prospicere non minus quando pro tribunali sistar iudicandus, quo me consilio hac in re vsum esse vellem: quo agnito nunc utar, ut eo tempore magis sim securus.

Annotandum est postremò, quod hisce Regulis quatuor propter salutem meam & animi quietem accurate servatis, debeo iuxta ultimum Punctum modi præcedentis electionem ipsam definire, & offerre Deo comprobandom.

SI quis dispositionem, de quâ dictum est in Exercitiis superioribus, optimo quo cum diuinâ gratiâ potuerit modo, acquisuerit; restat ut oculos in rerum suarum statum coniiciat, hoc est,

est, in suas negligentias, culpas, passiones, inclinationes, occupationes, & Exercitia, quo omnia illa ad beneplacitum diuinæ voluntatis reformat, hæc omnia in particulari, & quibus mediis, in singulis vti debeat considerando; adhibendo ad hæc Examen generale, quod in primo Exercitio de peccatis fecit.

Vt verò solidius in hisce quid statuat, videantur modi electionis quos S. Pater noster in secundâ illâ Hebdomadâ præscribit; ex quibus, si benè in iis se exercuerit, valdè solidas pro vitæ suarumq; occupationū & functionum reformatione conclusiones hauriet.

Et benè notandum est, quòd sicut præcipuum impedimentum, quòd minùs statuamus quod maximè diuino obsequio conuenit, est inordinatus ille ad honorem, honorificam tractationem & diuitias affectus; sic etiam maximum impedimentum, quòd minùs conclusiones & proposita iam excita executioni mandemus, sit contradic-

N 5 ctio

ctio sensualitatis amorisque proprij & mundani, quam experimur. Et hinc fit, quod sicut ad benè concludendum nos disponit S. Pater noster per Exercitium Christi Domini nostri, qui cum Cruce suâ nos semper præcedit, vt illum sequi, & ei similes esse desideremus; sic ad nos in proposito nostro confirmandos, & ad vires animosque necessarios ad eius executionem subministrandos, valdè fusè nobis propinat in tertiat Septimanâ Meditationem de Passione Domini nostri. Et tandem, finis tertiae Septimanæ est Exercitium solidarum virtutum; quæ non sine contradictione aut aduersitate, ignominiâ, dolore, omniumque rerum temporalium defectu exercentur: quarum omnium præclarissima nobis exempla Passio Saluatoris nostri supeditat.

MEDITATIO *de Passione Christi.*

FInis huius Meditationis est, ostendere (quod sine summâ admiratione

ne cogitari non potest) quòd breui illo tempore , quo series Passionis Saluatoris nostri durauit, tantos dolores in omni pœnarum genere , omnibusque eam Passionem aggrauantibus circumstantiis passus sit; ut fieri posse non videatur, quòd vlla pœnarum genera in hominem quempiam incurrere possint, quin eas **C H R I S T V S** Dominus noster longè acerbiores sustinuerit.

Tota hæc consideratio ad quatuor Capita reduci potest ; primum ad paupertatem omniumque rerum necessariarum indigentiam ; secundum, quòd ab omnibus , maximè ab amicis, fuerit derelictus ; tertium , ad contumelias & opprobria ; quartum , ad corporis dolores.

Quoad PRIMVM. Eò paupertatis redigi voluit, ut vniuersaliter eum defecerint omnia necessaria ; ita ut nec lectulum in quo moreretur, nec linteum minimum quo se tegeret, habuerit , nisi ad honestatem ei in eleemosynam datum fuisset : nec in siti & mortis agone aliud,

aliud , quo se aliquantulum reficeret ,
solatium habuerit , quām fel & ace-
tum ab hostibus ei oblatum . Cūm au-
tem dicat sanctus Paulus , quōd sum-
ma paupertas sit , habere quo quis se
operiat , quodque comedat , iisque con-
tentum esse ; Saluator noster , qui cūm
diuēs esset , pro nobis pauper est fa-
ctus , vterius processit ; quia nec quo se
tegeret , nec quo sitiū restinguerebat ,
habuit : & hæc est viuorū pauper-
tas ; mortuorum verò longius proce-
dit , estque valde similis illorum qui
nascuntur . vt Apostolus 1. Tim. 6. *Ni-*
bil intulimus in hunc mundum ; haud
dubium quōd nec auferre quid possumus.
Et nihilominus mortui ius habent ad
sepulturam , & linteum quo inuolan-
tur , & vt eorum in bonorum disposi-
tione voluntas executioni mandetur :
verùm Saluator noster in alieno sepul-
chro positus est , linteo eleēmosynæ
nomine dato inuolutus : & de viliori-
bus , quibus dum viueret vti solebat ,
in morte disponere non potuit ; sed iis
exutus ,

exutus , inter milites eas diuidi , & for-
tem super iis ferri conspexit.

Quoad SECUNDVM. Desertum
fuisse ab hominibus , adeò graue fuit,
vt de illo dici possit illud Psalm. 141.
Considerabam ad dexteram, & videbam,
& non erat qui cognosceret me. & alibi,
Psal. 87. *Longè fecisti notos meos à me:*
posuerunt me abominationem sibi. Eoqué
grauior ei casus ille accidit , quò ex al-
tiore ille fuit loco ; vt etiam potue-
rit dicere : *Eleuasti me, & quasi super*
ventum ponens elisisti me valide. Cùm
enim velut sanctus summo semper in
honore fuisset , eumque vt Prophetam
habuissent , & tamquam Magistrum
& Doctorem eum audiuisserent , sum-
moque & frequenti populi concursu
secuti eum fuissent in templo , Synago-
gis , ciuitatibus , in deserto , terrâ ma-
riique ; & propter tam varia eaqué il-
lustria miracula , in summo honore
positus ; & propter summa in omnes
beneficia , omnibus mirabiliter gratus ,
subitò hęc omnia mutata fuere in sum-
mam

mam ingratitudinem, in contemptum, in infamiam & odium. sicut in lege scriptum erat: *Quia odio habuerunt me gratis.* Ioan. 15.

Primò, Ciues eius mortem cum summâ iniustitiâ procurarunt; Gentiles Romani eam summâ cum crudelitate illi inflixerunt. Sacerdotes & Leuitæ erant quasi fermentum, quo populi totius massa non parum contra Saluatorem commota fuit. Principes ignem excitabant, vnde in populo talis orta est flamma, ut tantâ ignominia & doloribus extingui non potuerit. Præterea illum Crucis affixum vidisse, contenti non fuerunt; sed, velut rabidi canes, eius carnes mordebant & lacerabant, quem cum tantâ iniuriâ & opprobrio mori videbant.

Secundò, Tantum Iudæorum & Gentilium, maiorum minorumque odium in se expertus, exiguam etiam in suis quos elegerat, quique cum sequi fuerant, constantiam fidemque inuenit. Inter duodecim enim Apostolos,

stolos , quos præ ceteris elegerat , vnus eum vendidit , eorumque qui eum comprehendenderunt ducem se præbuit : alias , quem omnium Apostolorum Principem fecerat , in suâ eum præsentia ter negauit , detestando & deierando quod eum non nouisset : reliqui verò fugâ sibi consulentes , eum turpiter deseruerunt , in hostium suorum manibus & potestate eo relicto . O admirabilem rerum humanarum inconstiam ! ô nouum atque inauditum iuictæ , quam Christianus imitari debet , fortitudinis exemplum ! Quid tum , quæso , benedicto Saluatori erat animi , quando se ita ab amicis desertum & hostibus circumdatum animaduertit ? de eo verè scriptum Psal. 21 . *Factum est cor meum tamquam cera liquecens in medio ventris mei.*

Tertiò , Sola eius benedicta Mater numquā eum deseruit , sed in omni suâ infamiâ & opprobriis eum secuta est ; cùm tamen eum defendere aut iuuare non posset , quin imò suâ præsentia

Filio

Filio dolores augebat. Et æternus Pater
noluit eum , cùm tamen posset , hosti-
bus eripere , permittendo eum feritati
ac crudelitati inimicorum : quod be-
neditus Saluator tenerrimè sensit , &
hostes ei id in faciem exprobrabant,
dicentes : *Confidit in Deo , liberet eum*
Deus ; saluet eum Deus , quandoqui-
dem eum solum querat. Cumqüe Deus
eo tempore nullum liberationis signum
daret , nec causam eius defendendam
fuscipere videretur , amicè de eo Sal-
uator querebatur: *Deus meus , Deus meus ,*
ut quid dereliquisti me ?

Reliquum istius Meditationis , &
fructum qui inde collendus est , vi-
dere licebit in Meditatione diei Se-
ptimi .

SEPTI.